

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-7.299-1/17 HH od 08.05.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-7.300/17 HH od 08.05.2017. godine u postupku dodjele okvirnog sporazuma za nabavku dolomitnih agregata, i prihvata se preporuka Komisije za nabavke, da se okvirni sporazum zaključi sa ponuđačem:

ALMY d.o.o. Zenica,

kao najbolje ocijenjenom ponuđaču

prema ponudi protokoliranoj pod brojem:716-6.105/17 od 13.04.2017. godine, za ponuđenu cijenu od 14.077,00 KM sa popustom bez uračunatog PDV-a, kao najbolje ocijenjenom ponuđaču, odnosno sa vrijednošću ponude sa uračunatim preferencijalnim faktorom domaćeg (10%) u iznosu od 12.669,30 KM, bez PDV-a.

II

Prijedlog okvirnog sporazuma dostaviti će se na potpis izabranom ponuđaču Almy d.o.o. Zenica, nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude .

III

Za realizaciju ove Odluke se zadužuje Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-5.234/17 HK od 30.03.2017. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 15.000,00 KM.

Dana 03.04.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-196-3-28/17, objavljena je i tenderska dokumentacija.

Poziv za preuzimanje tenderske dokumentacije broj: 713-5.234-2/17 HK od 03.04.2017. godine upućen je sljedećim ponuđačima:

1. Almy transport d.o.o. Zenica,
2. Građevinar d.o.o. Novi Travnik,
3. Kalvarija cop d.o.o. Vitez.

Na osnovu Izvještaja o preuzimanju tenderske dokumentacije od strane ponuđača od 19.04.2017. godine u 08:31 sati, utvrđeno je da su sljedeći ponuđači preuzeli tendersku dokumentaciju:

1. BBS Europe,
2. Infostrim d.o.o.,
3. Almy transport d.o.o.Zenica,

4. Almy d.o.o. Zenica,
5. ekipija d.o.o.,
6. IGM-IUT Haskić,
7. Plantrans Dijabaz d.o.o.,
8. Reap d.o.o.,
9. Građevinar d.o.o. Novi Travnik,
10. Kalvarija cop.d.o.o.

Komisija za nabavku imenovana je Odlukom broj: 101-1.672/16 MS od 11.01.2017. godine.

Komisija za nabavku je dana 08.05.2017. godine direktoru preduzeća dostavila Zapisnik o ocjeni ponuda broj: 716-7.300/17 HH od 08.05.2017. godine i Preporuku o izboru najpovoljnijeg ponuđača broj: 716-7.299-1/17 HH od 08.05.2017. godine, u postupku javne nabavke za nabavku dolomitnih agregata.

U postupku, prema Zapisniku o ocjeni ponuda, je utvrđeno da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 5 (pet) ponuda,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 10 (deset).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Ponuđač IGM-IUT Haskić d.o.o. Vitez je dana 14.04. 2017. godine putem faksa dostavio kopiju Potvrde o obaveznom korištenju preferencijalnog tretmana domaćeg koja se odnosi predmetni postupak javne nabavke. Aktom broj: 716-6251-1/17 MS od 17.04. 2017. godine, navedeni ponuđač je obaviješten da se dostavljena Potvrda ne može smatrati eventualnom dopunom njegove ponude iz razloga što ista nije dostavljena blagovremeno kako to predviđa Član 57, ZJN, niti je ista usklađena sa tenderskom dokumentacijom tačka 4.4.

U ponudi ponuđača IGM-IUT Haskić d.o.o. Vitez je ustanovljena računska greška u ukupnoj vrijednosti ponude. Zbog toga je Komisija dopisom broj: 716-6.382-1/17 SR od 17.04.2017. godine, uputila ponuđaču zahtjev za prihvatanje ispravke računске greške, tako da umjesto iznosa ukupne vrijednosti ponude od 14.720,00 KM, bez PDV-a, prihvati ispravku na vrijednost ukupne ponude u iznosu 17.240,00 KM, bez PDV-a.

Dopisom od 20.04.2017. godine ponuđač IGM- IUT Haskić d.o.o. Vitez je dostavio pismenu potvrdu protokolisanu pod rednim brojem: 716-6.560/17 u kojoj je dao saglasnost na ispravku računске greške. Ukupna vrijednost ponude navedenog ponuđača iznosi 17.240,00 KM bez PDV – a.

Ponuđač IGM-IUT Haskić d.o.o. Vitez je dostavio ponudu u vrijednosti od 17.240,00 KM, bez PDV-a, koja prelazi procijenjenu vrijednost Odluke od 15.000,00 KM bez PDV-a za predmetnu nabavku.

Ponuđač Almy d.o.o. Zenica je dostavio ponudu u vrijednosti od 14.077,00 KM sa popustom, bez PDV-a. Ponuđač je, također, dostavio i Potvrdu od VTK BiH o preferencijalnom tretmanu domaćeg, a koju će ugovorni organ, u smisli čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14), uzeti u obzir prilikom ocjene ponuda, nakon provedene e-aukcije.

Ponuđač Almy transport d.o.o. Zenica je dostavio ponudu u vrijednosti od 16.160,00 KM, bez PDV-a. Ponuđač je, također, dostavio i Potvrdu od VTK BiH o preferencijalnom tretmanu domaćeg, a koju će ugovorni organ, u smisli čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14), uzeti u obzir prilikom ocjene ponuda, nakon provedene e-aukcije.

Ponuđači Almy d.o.o. Zenica, Alm transport d.o.o. Zenica, Građevinar d.o.o. Novi Travnik, Kolvarija cop d.o.o. Vitez i IGM-IUT Haskić d.o.o. Vitez su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 03.05.2017.godine, u terminu od 09:00 sati.

E- aukcija je održana u zakazanom terminu.

Učesnici e-aukcije nisu mijenjali iznose svojih ponuda.

Konačne ponude, nakon završetka postupka e-aukcije su:

- Almy d.o.o.Zenica, ponuda u iznosu od 14.077,00 KM sa popustom, bez PDV-a.
- Almy-transport d.o.o. Zenica, ponuda u iznosu od 16.160,00, KM bez PDV-a.
- Građevinar d.o.o. Novi Travnik, ponuda u iznosu od 14.940,00 KM, bez PDV-a.
- Kalvarija cop d.o.o. Vitez, ponuda u iznosu od 14.990,60 KM, bez PDV-a.
- IGM-IUT Haskić d.o.o.Vitez, ponuda u iznosu od 17.240,00 KM, bez PDV-a.

Ponuđač IGM-IUT Haskić d.o.o. Vitez i nakon provedene e-aukcije premašuje procijenjenu vrijednost Odluke za ovu nabavku, kako je to naprijed i obrazloženo, te se njegova ponuda odbija na osnovu člana 68. stav 4, tačka (j) Zakona o javnim nabavkama.

Uvidom u priloženu dokumentaciju, konkurentskog zahtjeva za dostavu ponuda broj: 713-5.234-1/17 HK – za nabavku dolomitnih agregata, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena ponuđača Almy d.o.o Zenica neprimodno niska.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**najniža cijena**“, prihvatljivih ponuda / ponuđača kako slijedi:

1. Almy d.o.o.Zenica,

sa ukupnom cijenom ponude od 14.077,00 KM sa popustom bez uračunatog PDV-a, a koja sa uračunatim preferencijalnim faktorom (10%) iznosi 12.669,30 KM bez PDV-a,

2. Almy transport d.o.o. Zenica,

sa ukupnom cijenom ponude od 16.160,00 KM bez uračunatog PDV-a, a koja sa uračunatim preferencijalnim faktorom (10%) iznosi 14.544,00 KM bez PDV-a,

3. Građevinar d.o.o. Novi Travnik ,

sa ukupnom cijenom ponude od 14.940,00 KM bez uračunatog PDV-a.

4. Kalvarija cop d.o.o. Vitez ,

sa ukupnom cijenom ponude od 14.990,60 KM bez uračunatog PDV-a.

te dala preporuku da se okvirni sporazum zaključi sa najuspješnijim ponuđačem **ALMY d.o.o. Zenica** na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



v.d. Direktora:

Sečić Nedim, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a